

# UTHM monopoli anugerah di MyInovasi 2014

**BATU PAHAT** – Pelajar Fakulti Kejuruteraan Mekanikal dan Pembuatan (FKMP), Universiti Tun Hussein Onn Malaysia (UTHM) berjaya memonopoli anugerah pada Pertandingan Peringkat Akhir Kemuncak Nasional MyInovasi 2014 di Putrajaya, baru-baru ini.

UTHM menyertai melalui projek Self-lifted Stand For Motorcycle Safety (SMARTS), Mesin Penanggal Sisik Ikan, Mesin Pemisah Kulit Nipis Kelapa dan Penggunaan Abu

Kelapa Sawit sebagai Pigmen Warna Cat.

Naib Canselor UTHM, Profesor Datuk Dr Mohd Noh Dalimin berkata, projek SMARTS berjaya memenangi anugerah juara keseluruhan.

"UTHM juga berjaya memperoleh anugerah Bantuan Paten melalui projek Mesin Penanggal Sisik Ikan, dan dua anugerah saguhati melalui projek Mesin Penanggal Sisik Ikan dan Mesin Pemisah Kulit Nipis Kelapa," katanya.